

## **SWITANDZHAKU SWO KOTEKA EKA XIBOHO XA HOLOBYE WA TIMALI XO TLHERISELA ENDZHAKU VAT**

**Tshwane, 25 Dzivamisoko 2025** - Khomixinara wa Vukorhokeri bya Xibalo bya Afrika-Dzonga (SARS), Ttn Edward Kieswetter u lemukile xiboho xa Holobye wa Timali, Ttn Enoch Godongwana xo tlherisela endzhaku engetelo wa mpimo wa VAT wa lowu kunguhatiweke wa 0.5%, lowu a wu fanele ku sungula ku tirha hi ti1 Mudyaxihi 2025. Xiboho lexi xi na switandzhaku swo koteka swa nkoka eka Van'wamabindzu va VAT na vatirhisi. Tanihi mulawuri wa matshalatshala ya xibalo xa mfumo wa rixaka hinkwawo, SARS yi ta tiyisisa leswaku mihundzuluxo leyi faneleke ya endlifa ku amukela cinco lowu.

Ku engetelela, Khomixinara u lemuka leswaku van'wamabindzu na vatirhisi va vekisile eku lulamiseleni ka engetelo wa VAT enkarhini wa nkarhi wa nkantiyisiso ku suka eka mimbhurisano ya Palamende na miangulo ya mani na mani.

Hi ku ya hi xitatimende xa vuhangalasamahungu xa Holobye lexi tiviseke ntlleriselondzhaku wa engetelo eka xitiviso xa mpimo wa VAT na ku humesiwa ka Xitiviso xa Mfumo Nomboro 6157 xa ti 24 Dzivamisoko 2025 lexi tivisaka ePalamende Nawumbisi wa Mipimo na Mitsengo ya swa Timali na Milawu ya Xibalo lowu Hundzuluxiweke, lowu languteriweke ku pasisiwa hi Palamende, matshalatshala lama landzelaka ma ta tirhisiwa eka van'wamabindzu hinkwavo va VAT ku sukela hi ti1 Mudyaxihi 2025:

1. Van'wamabindzu va VAT lava nga se tirhisaka cinco eka mpimo, va fanele ku yimisa swiendaleko hinkwaswo mayelana na xiyimo lexi.
2. Van'waswimawusa va languteriwe ku hakerisa VAT eka mpimo wa 15% naswona ku nga ri eka 15.5% eka tinhundzu na vukorhokeri leswi faneleke ku ya hi Nawu wa VAT. Van'wamabindzu va nga tirhisa nkarhi lowu pimiweke ku hundzuluxa tisisiteme ta vona hi ndlela leyi faneleke, no mangala no hakela VAT.
3. Loko n'wamabindzu o tshuka a nga swi koti ku tlhelela eka 15%, hi mhaka ya micinco ya sisiteme yo phasaphasana leyi nga lavekaka, sweswo swi tirha eka miphakelo na mixaviso, swi fanele ku mangariwa no tihlamulela eka swona eka mpimo wa 15.5% ku fikela nkarhi lowu a nga kotaka ku endla mihundzuluxo ya sisiteme leyi faneleke leswi faneleke ku hetisiwaku nga si fika ti 15 Mudyaxihi 2025.
4. Tithiransakixini ta VAT leti hakerisiweke eka 15.5% ti fanele ku mangariwa eka ndhawu ya 12 (ya xibalo lexi u xi hakelaka eka mixaviso) na ndhawu ya 18 xibalo lexi hakerisiwaka eka mixaviso ya wena) eka ntlleriso wa VAT.

5. Mihundzuluxo eka xivumbeko xa mivuyiselo ya mpimo wa 0.5% eka tikhasimende na ku suka eka vaphakeri yi fanele yi vikiwa hi ku ringana eka tindhawu ta 12 na 18 hi ku landzelelana.
6. Mitiviso ya ntlheriso wa VAT yi ta tekeriwa enhlokweni loko mitiyisiso na/kumbe tioditi eka mikarhi ya xibalo xa VAT leyi khumbekeke yi hetisiwa.
7. Mitlheriso ya VAT leyi faneleke ku rhumeriwa yi ta ya emahlweni ku hlayela VAT hi ndlela leyi tiendlekelaka hi ku tirhisa mpimo wa 15% ku sukela eka mikarhi ya xibalo kumbe tin'hweti leti sungulaka hi ti1 Mudyaxihi 2025.
8. Van'wamabindzu lava se va nga tirhisa micinco ya mpimo na Mpimo wa Ziro (Zero Rating) haswimbirhi va hlohloteriwa ku tlherisela endzhaku micinco yaleyo ku nga si fika ti1 Mudyaxihi 2025.

Khomixinara Edward Kieswetter u vurile leswaku "u twisia ku phasaphasana na mpfilingano lowu vangekeke ku suka eka phurosele leyi. SARS yi ta endla hi matimba ku nyika nhlamuselo ku ya emahlweni ku tumbuluxa ntiyisiso wa xiboho eka van'wamabindzu hinkwavo."

Ku kuma vuxokoxoko ku ya mahlweni, u komberiwa ku tihlanganisa na [SARSMedia@sars.gov.za](mailto:SARSMedia@sars.gov.za).